



**Jumat, 15 Juli 2022**  
**Ogen: Esekiel 44: 15-31**



*Hak ras Kewajiban Imam*



**A**minna pe Tuhan mereken ukumen man kalak Lewi tapi lit sada terpuh arah kalak Lewi si tetap setia man Tuhan e me kesusuren Sadok (nenek moyangna Harun ras ia pe kesusuren imam Esra, janah nggeluh i bas zaman Daud). Ia tetap patuh ndahiken dahin Tuhan i bas Rumah Pertoton, aminna pe kalak Lewi sideban nadingken Tuhan ras nembah man berhala-berhala sideban. E maka nina Tuhan, ia ngenca banci reh ku adep-adepenNa guna maba persembahen. E maka isehken Tuhan kai si jadi hak ras kewajibenna. Hakna e me ngadap ku Dibata alu maba persembahen, bengket ku Rumah Pertoton guna ndahiken dahin i bas batar-batar ras maba kebaktin, persembahen-persembahen ras ulih peranin jadi nakanna. Kewajibenna e me make uis linen, la banci takal abu ras gedang bukna, la banci sitik pe minem anggur, la banci ngempoi diberu si nggo mulih i bas perbulangenna, ngajarken si badia, si bersih rikutken aturen agama, ndungi perkara-perkara umat, ngerayaken wari raya, la banci njemak mait, la lit erta ras kebayakenna sabap Tuhan nge kebayakenna ras la banci ipanna perik-perik ras rubia-rubia si mate. Imam si itetapken Tuhan arah kesusuren sadok ndatken sada hak istimewa si la banci lang arus idahikenna guna kemulian Tuhan janah kewajibenna e me ndalanken kerina aturen ras prentah Tuhan Dibata. Arah teksta enda tangkas maka kalak si erdahin guna Tuhan labo banci main-main. Situhuna nggo arusna jelas man bana kai hak ras kewajibenna selaku sierdahin Tuhan. Searusna sekalak sierdahin Tuhan labo terjeng nuntut hak ras kewajiben umat saja tapi ia arus leben nuntut hak ras kewajibenna, gelah alu bage teridah keselarasan antara imam (rohaniawan) ras umat (perpulangan). Adi siinget bas penangkuhen ras pengukuhen pandita, pertua ras diaken maka kenca itangkuhken tah ikukuhken maka ia ngadap man perpulangan dengen ipindoken man perpulangan segelah itatang-tatang ras itotoken sierdahin Tuhan gelah ngasup ia ndahiken dahinna. Arah hak ras kewajiben si erdahin Tuhan maka lit ka kewajibenta selaku perpulangan guna tetap ndukung ras natang-natangsa ia.

Tuhan mempunyai tiga macam hamba di dunia ini. Beberapa adalah ‘budak’ – yang melayani Dia karena takut. Yang lain adalah ‘orang bayaran’ – yang melayani untuk upah. Yang terakhir adalah ‘anak-anak’ – yang melayani karena mereka mengasihi Dia. (Uskup Agung Secker)